

法華寶懺

遠參敬題

南無本師釋迦牟尼佛



南無大慈大悲觀世音菩薩



南無 本師釋迦牟尼佛 (舉讚唱云)

一乘妙諦 權巧說差 唯佛與佛乃相知  
時至方開除 信解斷疑 究竟同種智

南無 妙法藏菩薩摩訶摩訶薩

一切恭謹

一心頂禮 法華會上一切佛法僧三寶 (一拜)

(跪誦壽量品偈頌)

自我得佛來	所經諸劫數	無量百千萬	億載阿僧祇
常說法教化	無數億衆生	令入於佛道	爾來無量劫
為度衆生故	方便現涅槃	而實不滅度	常住此說法
我常住於此	以諸神通力	令顛倒衆生	雖近而不見
衆見我滅度	廣供養舍利	咸皆懷戀慕	而生渴仰心
衆生既信伏	質直意柔輒	一心欲見佛	不自惜身命
時我及衆僧	俱出靈鷲山	我時語衆生	常在此不滅
以方便力故	現有滅不滅	餘國有衆生	恭敬信樂者
我復於彼中	為說無上法	汝等不聞此	但謂我滅度
我見諸衆生	沒在於苦惱	故不為現身	令其生渴仰
因其心戀慕	乃出為說法	神通力如是	於阿僧祇劫

常在靈鷲山	及餘諸住處	衆生見劫盡	大火所燒時
我此土安隱	天人常充滿	園林諸堂閣	種種寶莊嚴
寶樹多華果	衆生所遊樂	諸天擊天鼓	常作衆伎樂
雨曼陀羅華	散佛及大衆	我淨土不毀	而衆見燒盡
憂怖諸苦惱	如是悉充滿	是諸罪衆生	以惡業因緣
過阿僧祇劫	不聞三寶名	諸有修功德	柔和質直者
則皆見我身	在此而說法	或時為此衆	說佛壽無量
久乃見佛者	為說佛難值	我智力如是	慧光照無量
壽命無數劫	久修業所得	汝等有智者	勿於此生疑
若有生疑者	當斷令永盡	佛語實不虛	信則福德增
如醫善方便	為治狂子故	實在而言死	無能說虛妄
我乃為世師	救諸苦患者	為凡夫顛倒	實在而言滅
以常見我故	而生憍恣心	放逸著五欲	墮於惡道中
我常知衆生	行道不行道	隨所應可度	為說種種法
每自作是意	以何令衆生	得入無上慧	速成就佛身
	佛恩難思義	故我今頂禮	

一心頂禮 壽命無量本師釋迦牟尼世尊

一心頂禮 過去無量劫日月燈明世尊

一心頂禮 過去久遠劫大通智勝世尊

一心頂禮 十方三世一切諸佛世尊

一心頂禮 一乘實教妙法蓮法經

一心頂禮 文殊師利菩薩摩訶薩

一心頂禮 彌勒菩薩摩訶薩

一心頂禮 觀世音菩薩摩訶薩

一心頂禮 妙音菩薩摩訶薩

一心頂禮 藥王菩薩藥上菩薩摩訶薩

一心頂禮 從地湧出無量無邊菩薩摩訶薩

一心頂禮 法華會上開權顯實普皆授記一切菩薩摩訶薩

一心頂禮 從十方分身諸佛來赴法華會上一切菩薩摩訶薩

一心頂禮 法華會上一切菩薩摩訶薩

普為四恩三有 法界冤親 悉願斷滅重障 歸命懺悔

(立唱已 五體投地心復念言)

我與同業	自退一乘	墮十法界	生死繫縛
輪迴不息	經無量劫	不逢一乘	廣作不善
身三口四	意貪瞋癡	縱任六根	貪著無厭
無慚無愧	違背善友	不親知識	毀謗一乘
不禮諸佛	不修供養	皆因障重	無慧自救
故於今日	投誠披露	一心懺悔	歸命諸佛
發菩提心	受持法華	願拔重障	勤修供養
禮敬諸佛	讚嘆一乘	親近菩薩	深信因果
怖畏十界	常護身口	廣修妙行	恒起不斷
常值三寶	自在受身	了悟知見	還復一乘
與佛同圓	一切種智	惟願世尊	慈悲攝護

(懺悔竟發願即誦)

方便品 (禮佛三拜)

南無法華會上佛菩薩 (三稱)

爾時世尊從三昧安詳而起。告舍利弗。諸佛智慧。甚深無量。其智慧門。難解難入。所以者何。佛曾親近百千萬億無數諸佛。盡行諸佛無量道法。勇猛精進。名稱普聞。成就甚

深未曾有法。隨宜所說。意趣難解。一切聲聞辟支佛所不能知。舍利弗。吾從成佛已來。種種因緣。種種譬喻。廣演言教。無數方便。引導衆生。令離諸著。所以者何。如來方便知見波羅蜜皆已具足。舍利弗。如來知見。廣大深遠。無量無礙。力無所畏。禪定解脫三昧。深入無際。成就一切未曾有法。舍利弗。如來能種種分別。巧說諸法。言辭柔輒。悅可衆心。舍利弗。取要言之。無量無邊未曾有法。佛悉成就。止。舍利弗。不須復說。所以者何。佛所成就第一希有難解之法。唯佛與佛。乃能究盡諸法實相。所謂諸法如是相。如是性。如是體。如是力。如是作。如是因。如是緣。如是果。如是報。如是本末究竟等。

世雄不可量	諸天及世人	一切衆生類	無能知佛者
佛力無所畏	解脫諸三昧	及佛諸餘法	無能測量者
本從無數佛	具足行諸道	甚深微妙法	難見難可了
於無量億劫	行此諸道已	道場得成果	我已悉知見
如是大果報	種種性相義	我及十方佛	乃能知是事
是法不可示	言辭相寂滅	諸餘衆生類	無有能得解
除諸菩薩衆	信力堅固者	諸佛聲聞衆	曾供養諸佛



一切漏已盡	住是最後身	如是諸人等	其力所不堪
假使滿世間	皆如舍利弗	盡思共度量	不能測佛智
正使滿十方	皆如須菩提	及餘諸弟子	亦滿十方剎
盡思共度量	亦復不能知	辟支佛利智	無漏最後身
亦滿十方界	其密如竹林	斯等共一心	於億無量劫
欲思佛實智	莫能知少分	新發意菩薩	供養無數佛
了達諸義趣	又能善說法	稠如稻竹葦	充滿十方剎
一心以妙智	於恆河沙劫	咸皆共思量	不能知佛智
不退諸菩薩	無數恆河沙	一心共思求	亦復不能知
又告舍利弗	無漏不思議	甚深微妙法	我今已具得
唯我知是相	十方佛亦然	舍利弗當知	諸佛語無異
於佛所說法	當生大信力	世尊法久後	要當說真實
告諸聲聞衆	菩薩緣覺等	我令脫苦縛	逮得涅槃者
佛以方便力	示以三乘教	衆生處處著	引之令得出

爾時大衆中。有諸聲聞。漏盡阿羅漢阿若憍陳如等。千二百人。及發聲聞辟支佛心。比丘比丘尼。優婆塞。優婆夷。各作是念。今者世尊。何故慙懃稱歎佛智。而作是言。佛所得法。甚深難解。有所言說。意趣難知。一切聲聞。辟支佛。

所不能及。佛說一解脫義。我等亦得此法。到於涅槃。而今不知是義所趣。爾時舍利弗。知四衆心疑。自亦未了。而白佛言。世尊。何因何緣。慙懃稱歎。諸佛成就第一甚深微妙。難解之法。我自昔來。未曾從佛聞如是說。今者四衆。咸皆有疑。惟願世尊。敷演斯事。世尊何故慙懃稱歎。甚深微妙難解之法。

慧日大聖尊	久乃說是法	自說得如是	力無畏三昧
禪定解脫等	不可思議法	道場所得法	無能發問者
我意難可測	亦無能問者	無問而自說	稱歎所行道
智慧甚微妙	諸佛之所得	無漏諸羅漢	及求涅槃者
今皆墮疑網	佛何故說是	其求緣覺者	比丘比丘尼
諸天龍鬼神	及乾闥婆等	相視懷猶豫	瞻仰兩足尊
是事為云何	願佛為解說	於諸聲聞衆	佛說我第一
我今自於智	疑惑不能了	為是究竟法	為是所行道
佛口所生子	合掌瞻仰待	願出微妙音	時為如實說
諸天龍神等	其數如恆沙	求佛諸菩薩	大數有八萬
又諸萬億國	轉輪聖王至	合掌以敬心	欲聞具足道

爾時佛告舍利弗。止。止。不須復說。若說是事。一切世間諸天及人。皆當驚疑。舍利弗重白佛言。世尊。惟願說之。惟願說之。所以者何。是會無數百千萬億阿僧祇衆生。曾見諸佛。諸根猛利。智慧明了。聞佛所說。則能敬信。

法王無上尊 唯願說勿慮 是會無量衆 有能敬信者  
佛復止。舍利弗。若說是事。一切世間。天人阿修羅。皆當驚疑。增上慢四衆。將墜於大坑。爾時世尊重說偈言。

止止不須說 我法妙難思 諸增上慢者 聞必不敬信  
爾時舍利弗。重白佛言。世尊。惟願說之。惟願說之。今此會中。如我等比。百千萬億。世世已曾從佛受化。如此人等。必能敬信。便得長夜安隱。多所饒益。

無上兩足尊 願說第一法 我為佛長子 唯垂分別說  
是會無量衆 能敬信此法 佛已曾世世 教化如是等  
皆一心合掌 欲聽受佛語 我等千二百 及餘求佛者  
願為此衆故 惟垂分別說 是等聞此法 則生大歡喜  
爾時世尊告舍利弗。汝已慇懃三請。豈得不說。汝今諦聽。善思念之。吾當為汝。分別解說。說此語時。會中。有比丘比丘尼。優婆塞優婆夷。五千人等。以佛威力。即從座起。

禮佛而退。所以者何。此輩罪根深重。及增上慢。未得謂得。未證謂證。有如此失。是以不住。世尊默然。而不制止。爾時佛告舍利弗。我今此衆無復枝葉。純有貞實。舍利弗。如是增上慢人。退亦佳矣。汝今善聽。當為汝說。舍利弗言。唯然世尊。願樂欲聞。佛告舍利弗。如是妙法。諸佛如來。時乃說之。如優曇鉢華。時一現耳。舍利弗。汝等當信佛之所說。言不虛妄。舍利弗。諸佛隨宜說法。意趣難解。所以者何。諸佛以無數方便。種種因緣。譬喻言辭。演說諸法。是意非思量分別之所能解。唯有諸佛乃能知之。所以者何。諸佛世尊。唯以一大事因緣故。出現於世。舍利弗。云何名諸佛世尊。唯以一大事因緣故。出現於世。諸佛世尊。欲令衆生開佛知見。使得清淨故。出現於世。欲示衆生佛之知見故。出現於世。欲令衆生悟佛知見故。出現於世。欲令衆生入佛知見道故。出現於世。舍利弗。是為諸佛以一大事因緣故。出現於世。舍利弗。諸佛如來。但教化菩薩。諸有所作。常為一事。唯以佛之知見。示悟衆生。舍利弗。我亦如是。但以一佛乘故。為衆生說法。無有餘乘。若二若三。舍利弗。所有一切十方諸佛。法亦如是。舍利弗。

過去諸佛。以無量無數方便。種種因緣。譬喻言辭。而為衆生。演說諸法。是法皆為一佛乘故。是諸衆生。從諸佛聞法。究竟皆得一切種智。舍利弗。未來諸佛。當出於世。亦以無量無數方便。種種因緣。譬喻言辭。而為衆生。演說諸法。是法皆為一佛乘故。是諸衆生。從佛聞法。究竟皆得一切種智。舍利弗。現在十方無量百千萬億佛土中。諸佛世尊。多所饒益。安樂衆生。是諸佛亦以無量無數方便。種種因緣。譬喻言辭。而為衆生。演說諸法。是法皆為一佛乘故。是諸衆生。從佛聞法。究竟皆得一切種智。舍利弗。是諸佛但教化菩薩。欲以佛之知見示衆生故。欲以佛之知見悟衆生故。欲令衆生。入佛之知見故。舍利弗。我今亦復如是。知諸衆生。有種種欲。深心所著。隨其本性。以方便力種種因緣。譬喻言辭。而為說法。舍利弗。如此皆為得一佛乘。一切種智故。舍利弗。十方世界中。尚無二乘。何況有三。舍利弗。諸佛出於五濁惡世。所謂劫濁。煩惱濁。衆生濁。見濁。命濁。如是。舍利弗。劫濁亂時。衆生垢重。慳貪嫉妬。成就諸不善根故。諸佛以方便力。隱一乘佛。分別說三。舍利弗。若我弟子。自謂菩薩。阿羅漢。辟支佛者。

不聞不知諸佛如來。但教化一乘菩薩事。此非佛弟子。非菩薩。非阿羅漢。非辟支佛。又舍利弗。是諸比丘比丘尼。自謂已得阿羅漢。是最後身。究竟涅槃。便不復志求阿耨多羅三藐三菩提。當知此輩。皆是增上慢人。所以者何。若有弟子。實得阿羅漢。若不信此法。無有是處。除佛滅度後。現前無佛。所以者何。佛滅度後。如是等經。受持讀誦解義者。是人難得。若遇餘佛。於此法中便得決了。舍利弗。汝等當一心信解。受持佛語。諸佛如來。言無虛妄。無有餘乘。唯一佛乘。

比丘比丘尼	有懷增上慢	優婆塞我慢	優婆夷不信
如是四眾等	其數有五千	不自見其過	於戒有缺漏
護惜其瑕疵	是小智已出	眾中之糟糠	佛威德故去
斯人尠福德	不堪受是法	此眾無枝葉	唯有諸貞實
舍利弗善聽	諸佛所得法	無量甚深妙	不能為分別
但以方便力	而為眾生說	眾生心所念	種種所行道
若干諸欲性	先世善惡業	佛悉知是已	以諸緣譬喻
言辭方便力	令一切歡喜	或說修多羅	伽陀及本事
本生未曾有	亦說於因緣	譬喻并祇夜	優波提舍經

鈍根樂小法 貪著於生死 於諸無量佛 不行深妙道  
衆苦所惱亂 為是說涅槃 我設是方便 令得入佛慧  
未曾說汝等 當得成佛道 所以未曾說 說時未至故  
今正是其時 決定說一乘 我此九部法 隨順衆生說  
入一乘為本 以故說是經 我坐道場時 人天未來集  
有佛子心淨 柔輒亦利根 無量諸佛所 而行深妙道  
為此諸佛子 說是法華經 我記如是人 來世成佛道  
以深心念佛 修持淨法故 此等聞得佛 大喜充徧身  
佛知彼心行 故為說一乘 聲聞若菩薩 聞我今說法  
乃至於一偈 皆成佛無疑 十方佛土中 唯有一乘法  
無二亦無三 除佛方便說 但以假名字 引導於衆生  
說佛智慧故 諸佛出於世 唯此一事實 餘二則非真  
終不以小乘 濟度於衆生 佛自住大乘 如其所得法  
定慧力莊嚴 以此度衆生 自證無上道 大乘平等法  
若以小乘化 乃至於一人 我則墮慳貪 此事為不可  
若人信歸佛 如來不欺誑 亦無貪嫉意 斷諸法中惡  
故佛於十方 而獨無所畏 我以相嚴身 光明照世間  
無量衆所尊 為說實相印 舍利弗當知 我本立誓願

欲令一切衆	如我等無異	如我昔所願	今者已滿足
化一切衆生	皆令入佛道	若我遇衆生	盡教以佛道
無智者錯亂	迷惑不受教	我知此衆生	未曾修善本
堅著於五欲	癡愛故生惱	以諸欲因緣	墜墮三惡道
輪迴六趣中	備受諸苦毒	受身至微形	世世苦增長
薄德少福人	衆苦所逼迫	入邪見稠林	若有若無等
依止此諸見	具足六十二	深著虛妄法	堅受不可捨
我慢自矜高	諂曲心不實	於千萬億劫	不聞佛名字
亦不聞正法	如是人難度	是故舍利弗	我為設方便
說諸盡苦道	示之以涅槃	我雖說涅槃	是亦非真滅
諸法從本來	常自寂滅相	佛子行道已	來世得作佛
我有方便力	開示三乘法	一切諸世尊	皆說一乘道
今此諸大衆	皆應除疑惑	諸佛語無異	唯一無二乘
過去無數劫	無量滅度佛	百千萬億載	其數不可量
如是諸世尊	無數方便力	種種緣譬喻	演說諸法相
是諸世尊等	皆說一乘法	化無量衆生	令入於佛道
又諸大聖主	知一切世間	天人羣生類	深心之所欲
更以異方便	助顯一乘道	若有衆生類	值諸過去佛



若聞法布施	或持戒忍辱	精進禪智等	種種修福慧
如是諸人等	皆已成佛道	諸佛滅度後	若人善輒心
如是諸衆生	皆已成佛道	諸佛滅度已	供養舍利者
起萬億種塔	金銀及玻瓈	碑磬與碼碯	玫瑰琉璃珠
清淨廣嚴飾	莊校於諸塔	或有起石廟	栴檀及沉水
木檣并餘材	甑瓦泥土等	若於曠野中	積土成佛廟
乃至童子戲	聚沙為佛塔	如是諸人等	皆已成佛道
若人為佛故	建立諸形像	刻雕成衆相	皆已成佛道
或以七寶成	鍮鈿赤白銅	白鐵及鉛錫	鐵木及與泥
或以膠漆布	嚴飾作佛像	如是諸人等	皆已成佛道
彩畫作佛像	百福莊嚴相	自作若使人	皆已成佛道
乃至童子戲	若草木及筆	或以指爪甲	而畫作佛像
如是諸人等	漸漸積功德	具足大悲心	皆已成佛道
但化諸菩薩	度脫無量衆	若人於塔廟	寶像及畫像
以華香幡蓋	敬心而供養	若使人作樂	擊鼓吹角貝
簫笛琴箏篪	琵琶鐃銅鈸	如是衆妙音	盡持以供養
或以歡喜心	歌唄頌佛德	乃至一小音	皆已成佛道
若人散亂心	乃至以一華	供養於畫像	漸見無數佛

或有人禮拜	或復但合掌	乃至舉一手	或復小低頭
以此供養像	漸見無量佛	自成無上道	廣度無數衆
入無餘涅槃	如薪盡火滅	若人散亂心	入於塔廟中
一稱南無佛	皆已成佛道	於諸過去佛	在世或滅後
見聞異方便	皆已成佛道	未來諸世尊	其數無有量
是諸如來等	亦方便說法	一切諸如來	以無量方便
度脫諸衆生	入佛無漏智	若聞異方便	無一不成佛
諸佛本誓願	我所行佛道	普欲令衆生	亦同得此道
未來世諸佛	雖說百千億	無數方便門	其實為一乘
諸佛兩足尊	知法常無性	佛種從緣起	是故說一乘
是法住法位	世間相常住	於道場知己	衆生根鈍故
不能信一乘	導師方便說	天人所供養	現在十方佛
其數如恆沙	出現於世間	安隱衆生故	亦說如是法
知第一寂滅	不為其宣說	以方便力故	廣說種種道
雖示種種道	其實為佛乘	知衆生諸行	深心之所念
過去所習業	欲性精進力	及諸根利鈍	以種種因緣
譬喻亦言辭	隨應方便說	今我亦如是	安隱衆生故
以種種法門	為示於佛道	我以智慧力	知衆生性欲

方便說諸法 皆令得歡喜 舍利弗當知 如來未出時  
常念諸菩薩 即以佛眼觀 見六道菩薩 貧窮無福慧  
入生死險道 相續苦不斷 深著於五欲 如犛牛愛尾  
以貪愛自蔽 盲暝無所見 不求大勢佛 及與斷苦法  
深入諸邪見 以苦欲捨苦 為是衆生故 而起大悲心  
示現種種行 經於無量劫 方能成佛道 起而轉法輪  
我始坐道場 觀樹亦經行 於三七日中 思惟如是事  
我所得智慧 微妙最第一 衆生諸根鈍 著樂癡所盲  
如斯之等類 云何而可度 爾時諸梵王 及諸天帝釋  
護世四天王 及大自在天 并餘諸天衆 眷屬百千萬  
恭敬合掌禮 請我轉法輪 我即自思惟 若但讚佛乘  
衆生沒在苦 不能信是法 破法不信故 墜於三惡道  
我寧不說法 疾入於涅槃 尋念過去佛 所行方便力  
我今所得道 亦應說三乘 作是思惟時 十方佛皆現  
梵音慰喻我 善哉釋迦文 第一之導師 得是無上法  
隨諸一切佛 而用方便力 而我亦皆得 最妙第一法  
為諸衆生類 分別說三乘 少智樂小法 不自信作佛  
是故以方便 分別說諸果 雖復說三乘 意在教菩薩

舍利弗當知 我聞聖師子 深淨微妙音 稱南無諸佛  
復作如是念 我出濁惡世 如諸佛所說 我亦隨順行  
思惟是事已 即趣波羅奈 諸法寂滅相 不可以言宣  
隱其真實義 隨順於諸佛 以方便力故 為五比丘說  
是名轉法輪 便有涅槃音 及以阿羅漢 法僧差別名  
從久遠劫來 讚示涅槃法 生死苦永盡 我常如是說  
舍利弗當知 我見佛子等 志求佛道者 無量千萬億  
咸以恭敬心 皆來至佛所 曾從諸佛聞 方便所說法  
我即作是念 如來所以出 為說佛慧故 今正是其時  
舍利弗當知 鈍根小智人 著相憍慢者 不能信一乘  
今我喜無畏 於諸大眾中 正直捨方便 但說無上道  
菩薩聞是法 疑網皆已除 千二百羅漢 悉亦當作佛  
如三世諸佛 說法之儀式 我今亦如是 說無分別法  
諸佛興出世 懸遠值遇難 正使出於世 說是法復難  
無量無數劫 聞是法亦難 能聽是法者 斯人亦復難  
譬如優曇華 一切皆愛樂 天人所希有 時至乃一出  
聞法歡喜讚 乃至發一言 則為已供養 一切三世佛  
是人甚希有 過於優曇華 汝等勿有疑 我為諸法王

普告諸大衆 但以一乘道 教化諸菩薩 無聲聞弟子  
汝等舍利弗 聲聞及菩薩 當知是妙法 諸佛之祕要  
以五濁惡世 但樂著諸欲 如是等衆生 終不求佛道  
當來世惡人 貪著三藏者 以為真實故 聞佛說一乘  
迷惑不信受 破法墮惡道 對於如是人 切勿說斯經  
有慙愧清淨 志求佛道者 當為如是等 廣讚一乘道  
舍利弗當知 諸佛法如是 以萬億方便 隨宜而說法  
其不習學者 不能曉了此 汝等既已知 諸佛世之師  
隨宜方便事 無復諸疑惑 心生大歡喜 自知當作佛

### 結經讚

如來智慧 希有難思 無量劫中廣修持  
機扣始顯示 令衆咸知 成佛決無疑

南無法華會上佛菩薩 (三稱)

### 起立舉云

懺悔發願已歸命頂禮一乘三寶 (一拜即唱云)

南無 壽命無量本師釋迦牟尼佛

南無 月月燈明佛

南無 大通智勝佛

南無 十方分身諸佛

南無 一乘妙法蓮華經

南無 文殊師利菩薩

南無 觀世音菩薩

南無 藥王菩薩

南無 彌勒菩薩

南無 法華會上諸菩薩

### 三皈依

自皈依佛 復願菩薩 體解一乘 發無上心

自皈依法 復願菩薩 深明法華 智慧增進

自皈依僧 復願菩薩 和合融融 一切無碍 (三拜畢)

### 香讚

佛力叵思 重重難量 無邊勝德廣深長

真實妙蓮香 剎那齊彰 稽首法中王

南無 蓮華藏菩薩摩訶薩 (三稱)

南無 法華會上佛菩薩 (三稱)

- 供養 十方一乘佛  
供養 十方一乘法  
供養 十方一乘僧  
供養 本師釋迦牟尼佛  
供養 十方分身一切諸佛  
供養 多寶佛  
供養 阿閼昆佛  
供養 阿彌陀佛  
供養 大通智勝佛  
供養 日月燈明佛  
供養 十方三世一切諸佛  
供養 大智文殊師利菩薩  
供養 觀世音菩薩  
供養 從地涌出諸大菩薩  
供養 妙音菩薩  
供養 藥王菩薩  
供養 得大勢菩薩  
供養 寶掌菩薩  
供養 常精進菩薩  
供養 不休息菩薩  
供養 月光菩薩  
供養 一乘導師菩薩  
供養 十方三世一切菩薩摩訶薩 (三徧)

此食非香味 上供十方佛 中奉諸菩薩 下及十法界  
等施無差別 隨願皆具足 令今皆能得無量功德海

無上妙供 一乘最勝 三世諸佛自然證  
菩薩久修行 期滿因竟 一念頓圓成

南無法供養 菩薩摩訶薩 摩訶一乘無上尊

(拜佛畢)

願消三障諸煩惱 願得一乘証明了  
普願罪業盡消除 世世常行菩薩道